

玄覽堂叢書

第五十五冊

漕船志卷之七

遂寧元山席書編



歸德後學朱家增脩

興革

天下之利弊恒相乘而興革恒相用盖  
利不終利而弊生弊也者利之蠹也弊  
必革而後利興革也者興之漸也司廠  
固利弊之藪也不有興革漕政胡賴是

海舟三卷十  
故本之正已以清其源申之厲禁以防  
其瀆詒之良法以求其守通其變使民  
不倦神而明之與時宜之無敝政矣志  
興革

春秋傳曰作法於涼其敝猶貪作法於貪  
敝將若之何范純仁曰法固有便有不便  
然亦不可暴革蓋爲治惟去太甚爾况法  
度乃有司之事得其人法度雖有不便於

民者亦非所患不得人雖良法亦足爲病  
王海云虛文不足以救弊苟政不足以起  
偷劉達可曰天下之所患在弊政士大夫  
之所累惟私心使此心不私於玩則天下  
無不豐之財使此心不私於貪則天下無  
不通之貨司厰興革幸諸君子經畫詳備  
相也多所藉賴第時異勢殊法禁就湮人  
心日懈乃蒐羅往牒得興革條約若干篇

備列于左併以已見附焉後之議興革者  
或有取於斯焉爾

### 給號票以稽奸弊

工部主事陳君煥議得本廠每歲改造  
運糧船隻其大料銀兩俱係蕪杭二廠  
木價并淮安府稅課司抽分柴炭竹木  
及蘇淮揚三府人匠工價內支給但先  
年木價不能依期解到多係賒借商人  
木料預造以致重揭冒領其弊多端錢  
糧虛費船隻脆薄字號混淆即今見銀  
買木前弊一掃殆盡但官軍團買木料  
客商照船領價不可無所憑據爲此置  
立本部掛號關防及提舉司印信官票

填寫本船原報字號年分先今旗甲姓名出給官軍領付木客收執圖與新料一分待本船看工之後許商人執此隨本廠官識赴部接銷關領料價如無原票決不准支

### 免支館驛下程

工部主事陳君煥議得本職原蒙本部題奉

欽依兵部起關前來淮安清江廠管理造船事務每日准陰驛例該送稟給米五升下程小菜一分近因該驛應付繁難錢糧賈乏誠為可憫况本部舊設官地一段足供朝夕蔬菜之需本等俸資又足以供買下程應用為此仰准陰驛官吏每

日照例送廩給米五升其下程  
小菜等項悉行免支至今行之

### 議處漕船料價

工部主事丁君瓚議得轉運必須于舟  
造舟必資于料駕舟必賴于軍二者之  
中料爲尤急料不足則軍必賒借必陪  
補賒借陪補之患不除則軍士愈疲而  
舟楫易壞此實漕運之大患也縱使料  
足然以見年之料造見年之船料未至  
而運期以及又安得不預賒借以應急  
迫之用哉其弊自成化至今已然瓚自  
蒞事切慮斯弊於是革宿弊任人怨催  
匠價清抽分見銀買木成造積以三年  
弊盡去而衆財集除還正德十六年以  
前客積外餘料銀三萬餘兩可以預足

造次年之船若常存此銀每為預造之本不惟賒借陪補之大患不作而運亦有濟矣患不作則舟得堅固而軍亦不窮可免覆溺侵漁之弊其有益于漕運者豈細也哉

### 清船號以塞弊端

工部主事張君綱議得各軍原有軍民運字及一十百千號數標識分記則船有定數時有定限造有定額立法詳矣年久而莫考有一號而三年兩造者有同年而一號重支者甚有年分未及預勤虛號指號裡號之弊皆船號不清所致也合行吊取各衛所船號底冊花銷冊本司號冊查對覆實創造換年號冊



一部各衛所彙列大書某衛所於上其  
下總書原額船隻每年該造幾隻以後  
年分書該造船號原甲姓名及虛其位  
以俟填註自某年起某年止十年額船  
編派俱編每廠抄錄二本一存該廠一  
送該衛所每年查照字號依額帖廠呈  
總報部收造仍令清江提舉司印鈔該  
冊十年額滿又覆查造庶卷冊無舛而  
字號不淆料價有  
稽而運減可核矣

### 一旗廠船料以革積弊

工部主事張君綱議得旗廠船料初分  
之意以旗軍有力可以陪補故令旗造  
無力不能陪補故送廠造今旗船旗軍  
見領本衛貼助料銀二十五兩足勾

灰油麻等料完船全無陪補船又堅好  
工亦早畢廠船領本衛軍辦料銀或徵  
解未到或寄府類支多係廠官賒借或  
借漕司別項錢糧置買料造且廠官復  
多侵利苟完稽延踰時船隻不堪况除  
軍辦料銀外旗軍又領本運貼助銀五  
兩除幫補廠官匠價食米外又復陪補  
借貸指關行糧償還是旗船軍實無陪  
補之患而廠船軍反有借貸之苦旗船  
領銀三十五兩船早完而且良廠船領  
銀四十兩船每遲而不堪况船分旗廠  
料有軍辦減存斗米其中奸弊尤更紛  
然蓋旗廠分百弊從之不容不更張之  
也合限各船交糧回衛各廠委官查照  
該年該造字號預行該衛催駕底船年  
前赴廠先儘軍辦料銀次將減存料銀

支給如減存銀不足將斗米或羨餘銀照數給發厥官協併旗軍償造船完造冊繳報如此頭緒不多而稽考甚易收支不亂而欺弊難施省厥船貼助銀兩船隻俱得早完下無侵冒遲悞之罪上得執簡體要之術

### 量免料辦以甦貧軍

工部主事張君綱讓得清江廠年例船若干隻隨船旗軍若干名每船興工至印烙限四十日若興詞告擾者准免做工料銀則良善者何辜合行各衛所將造船軍士應辦料銀每軍免四十日如過限者不免庶為公平之體而人均沾其惠奸頑者豈得告擾成風懶惰者豈肯延捱工程哉

造報循環簿籍以便查考

工部主事張君綱議得各廠料銀先年  
總廠官徑呈漕司行府支給近因都御  
史劉批分司查明支給則事有統紀  
而銀無侵冒為照支取料銀補還賒借  
吊取廠簿查檢往返不便合照呈報漕  
司規格循環文簿按季造完送部備照  
考查

查處造船料銀

工部主事呂君希周議得三總料銀九  
千三百七十二兩五錢京總每歲完解  
中直二總共料銀六千七百五十二兩  
五錢今該比照在運存軍料銀事體通

行有司將各衛辦料正軍月糧臨倉扣  
除准料解淮正軍不足額數餘丁貧難  
無措務要摘選殷實軍丁補足各衛編  
料印信花名文冊呈部稽考則銀無侵  
收之弊船無  
賒造之患矣

### 一料報以便查考

工部主事邵君經濟議得分司木鐵等  
料該抽本色遇季或給造未盡估價未  
的候年終造冊呈報按季止將竹篾等  
項不堪船料八件折收數目報部近來  
客商稱掣不便願納折色該司將木鐵  
水竹等一例折抽縱有本色者亦估定  
價每季終將流水簿發該司總筭通報  
漕司將簿發府存貯而于部報反執舊

規雖云冊報有查而于積日成月按季  
考歲之意乖矣以後准將前項物料一  
併呈報庶事體簡便而查對不  
難料辦詳明而嫌疑自杜矣

### 正體統明舊規以便監臨

工部主事邵君經濟議得漕船志載把  
總官員有缺漕運衙門訪取正德四年  
始假以把總名色嘉靖八年始由漕司  
會議賢否于戶兵二部推用前後雖稍  
不同其為船廠把總則一自立司廠以  
來報門當堂參遞一如運糧把總參見  
理刑衙門之儀近來各把總官不行堂  
參專希私敘同行進見皆挺身拔擢  
獨行私懇亦或曲膝行禮體統破裂伎  
越漸深事屬反常實非舊格由此振顏

監督事每掣肘難行再照各官或才幹可稱或資質有進正置公委屢事獎言但緣體統未明以故遵守無據認反常為舊格假越禮為美觀今思若不改正再爾含容此非各官矯抗跋扈能倚勢而怙終必緣本職闕茸苟且欲媚下以自利也乞垂劄責改正等因奉批叅詳所呈事關體統矯抗絀抑俱屬非宜准議體統正事務可以責成承接敬私昵無自而入况部衛之分本自相懸而財用之司尤當致謹今後船廠把總官員有事到部止令堂叅不必私欵則監督有體而嫌疑不生矣

請給關防嚴出納以便稽考

工部主事邵君經濟議得本司監臨督造九總運船合用蕪杭二廠木價及人匠軍辦等項銀料每年出納動計幾萬餘兩給發官商領造但各項文移回答批割或止白頭署名書押孰從而辯驗或憑職行私記襲陋何足以關防奸弊易生侵冒百出稽考未便干係匪輕竊照

大明律

內一款凡偽造諸衙門印信者斬明法

極刑于今為烈而尚累累犯之豈不知死之可畏直以財利糜心死且不顧而况無闕無防無印無信縱憑職行私記則偽造者無律盜用者無條官職交更財利叢劇小人何憚而不侵冒為哉再照本廠清江提舉司設立以來制有印信先年上下文移俱從該司經過轉達



欲鑄之

如布按衙門之經歷司雖設有官職而  
文移借到堂借此轉達以爲依據垂之久  
遠以便照刷所以雖無關防而事可稽  
考也近年本縣官識欲省筆劄書辦遂  
爾徑呈徑批而該司印信束之高閣是  
以章置諸無用之地豈原設司制印之至  
意哉所以事若簡便實有踈虞先年如  
某人某事奸弊百端難以悉數當時止  
問立功調衛罪名而不處以極刑者情  
重律輕故也豈不可畏哉今照本廠挨  
年船號有冊每船出料有票興工印烙  
各有月日稽考簿籍給船駕運各有領  
狀文冊逐一查明細密嚴明料無此弊  
然法外遺奸不可不預防之也如蒙准  
呈乞爲奏

請比照本部管理徐州等處河道衙門  
欽降管理清江船廠關防以便行使或有出納

錢糧事宜照舊俱從清江提舉司經過  
則印信依憑實便稽考之迹關防嚴密  
可杜觀望  
之門矣

### 查補逃故用工軍餘

工部主事邵君經濟議得京衛者關南  
京兵部職方司中直者行鳳陽廬州等  
衛要查後開逃軍脫逃者嚴責親身着  
役死亡者亦要照名查補發廠用工

### 清查用工軍餘以應儉造

工部主事邵君經濟議得潛司駕船看  
府看守廠庫并大小總各廠寫字跟用

軍役免撥外其餘本部各總聽事在開  
者照開責令按月日送部查點以憑撥  
廠儻造  
用工

### 處給淺船以便官軍

工部主事邵君經濟議得官軍告稱補  
造船成造年久沉水者多欲照新船事  
例撐駕十年委難領駕合行嚴限如嘉  
靖五年成造扣筭至十四年或十五年  
以足十年之數再行改造則船  
隻不至委棄官錢亦無虛糜矣

### 酌處料價以便補造

工部主事邵君經濟議得遮洋船比之  
淺船止多二座梁頭然以十六座梁頭

比之十四座者本身多高一尺共長板  
二十二丈四尺濶一尺二寸共長板九  
丈六尺底棧之類亦共長板三十四丈  
四尺難與淺船梁頭每座七兩五錢相  
同今陡減去銀十二兩七錢七分六釐  
誠恐料價不敷必至苟且成造釘板稀  
薄何堪駕運十年誠哉惜小費以傷大  
規顧目前而不啻久遠也合照前價成  
造或照前官後議每船一百二十七兩  
六錢四分給料改造庶駕運者沾堅固  
之休成造者  
免貽累之患

## 除豁廠地稅糧

工部主事江君東議得衛河提舉司運  
船近蒙題

准歸併清江提舉司團造已該前任主事呂君  
希周具呈漕司准添設衛河廠把總官  
并行各衛選取官軍赴廠供造運船及  
將浙江廠遺下廠地并大隱寺廢基派  
給廠官起蓋房舍棲止今查前地原係  
軍民人等佃種起納稅糧之數未經除  
豁恐事體不便於是呈請漕司准行山  
陽縣將原住種廠地軍民稅糧照地俱  
除豁

### 併造遮洋船隻

工部主事高君耀議得遮洋總高郵揚  
州泗州等衛船隻俱係裏河該衛廠官  
帶造事體歸一上下相安惟長淮一衛  
遮洋船隻復委淮安衛廠官帶造以致

事多掣肘難行船每遲悞不便今據長  
准衛旗甲李完等告稱乞要比照高郵  
等衛事體併入該衛裏河廠官張麟趾  
帶管成造委於情法適中官旗兩便相  
應呈請照  
詳施行

### 置牌催僱船工

工部主事高君耀議得各廠改造糧船  
自興工之日爲始限四十日完船近訪  
得各廠官旗遷延怠惰往往違限致妨  
糧運深爲可惡本部置立巡視牌二面  
不時差人分投催工如遇派到木料即  
便嚴督匠役作急打造果有勤勵趨事  
先期完者量行犒賞如有仍前延緩浪  
用木料造不如式船不堅固者本部查

驗得出定行  
重究不貸

### 申明舊例以便僱造

工部主事陳君堯議得根有定數則船  
有定額而料有定價三者不可缺一也  
南京各衛糧船先年旗造者取諸在運  
斗米廠造者取諸辦料軍人遵行既又  
未聞異議至嘉靖五等年蒙將原設廠  
料軍人掣改運糧與同旗船俱於南京  
戶兵二部衙門贓罰銀兩每年差官領  
取來淮收貯府庫呈支應用但造船原  
有定期贓罰初無定數節年遺欠銀共  
七千九十一兩五錢五分八釐二毫九  
絲屢經呈蒙差官領取未蒙給發各廠  
委官恐悞裝運只得借貸完船年復一

年無從償還情切可憫至嘉靖十五年復蒙漕司題奉

欽依

自嘉靖十六年為始旗船於二四輕齋銀

內空出廠船仍支贓罰故旗造船隻舊

債雖稱未還新料深為得濟惟廠船新

舊二料俱無指實見今十八年分廠船

又將改造臨期遲悞責有攸歸事關漕

運相應酌處如蒙合無差官前去南京

戶兵二部通將節年造過旗廠二項船

料共銀七千九十一兩五錢五分八釐

二毫九絲領取來准補還前數除旗船

近支輕齋銀外其廠船自十八年為始

每年額銀二千七百四十八兩一併於

贓罰銀內照數領回發廠應用惟復查

照舊規將原設軍人六百八十七名取

回辦料庶使漕舟有濟而經久可行矣



# 禁造運官座船

工部主事陳君充據廬州等衛管廠所  
 鎮撫嚴密等呈稱本衛運糧指揮劉淬  
 帖委本職打造座船除軍辦料銀外因  
 添造官倉捲樓茶亭榻扇等項多用過  
 銀七十五兩有餘俱係替賒客貨呈乞  
 行追等因到職查得

## 大明會典

內一欵提督運糧都指揮等官許乘  
 糧船一隻量帶官糧此宣德十年例也  
 指揮而下莫之與也近來管運官員篋  
 棄禮法奢僭成風輒將有號官船起造  
 茶亭鼓蓬明廳淨几名爲糧座其實本  
 船糧米盡派別船名爲自備成造其實  
 出于旗軍額外之征求厥官目前之賒  
 借而貽害無窮者也夫一船之費大料

取諸民七小料取諸軍三部司委官日  
督理于上總廠委官日奔走于下興工  
有期逾限有罰料有不足致使該廠賒  
借以成之所以爲漕運計也今之運官  
奈何以公家之費而克私室之用哉竊  
意糧船之制高閣明矣坐起便逸亦足  
以安身而行事矣而必欲爲此者何哉  
謂其可以多占軍役而虛張聲勢也謂  
其可以附帶土宜而供送權貴也謂其  
可以擊鼓鳴金養馬坐轎縱橫于各洪  
閘之間而攝服官民船隻于糧運何與  
焉夫以廬州衛一船所費動至一百一  
十餘兩推之而四總九十三衛所可知  
也人推之而各省四都司四十九衛所  
可知也公用不足私用有餘勞費人財  
莫此爲甚可不爲之禁革哉如蒙准呈

乞賜明示今後把總官仍許座船一隻  
量帶官糧其衛所舊乘糧率待及年送  
厥俱照原定淺船式樣一體改造違者  
併該厥官匠聽本司叅呈問罪未爲遵  
守庶軍無貼補之苦官無負債之累損  
上以益下究往而懲來端有在于斯矣  
蒙批准  
議施行

### 清查人匠以裨漕政

工部主事葉君選議得原存清江提舉  
司蘇州府人匠二千五百二十五名准  
安府人匠五百六名揚州府人匠一百  
四十八名俱二年一班每歲納銀共三  
千三十兩以是漕船大料自設厥以來  
各府州縣原設有清匠官逐年查理近

年有司篋棄漕規恬弗加意支吾塞責  
大肆奸欺匪銀全不徵解漕船缺料應  
用夫糧不可缺船不可少而料豈可廢  
哉即今若不差官清理誠恐年復一年  
愈加廢弛深為未便於是  
具呈漕司差官分投清理

### 議處學地稅糧

工部主事葉君選新建義學書舍各一  
所恐年久圯壞因買本處居民楊鏞楊  
鉞徐備地共四十畝坐落提舉司迤南  
逐年所收子粒除交納本地稅糧外餘  
者以為脩理之用為此合行仰山陽縣  
當該官吏即將前項學地查明另開冊  
籍該納稅糧項坐派附近常  
盈倉上納刻石以垂永久

禁革違例稅擾

工部主事葉君選據商人黃羽告稱桃源縣官老人等重復稅擾等因議得征

商足

國原有定規

本部督造運船凡過淮應于造船

物料物三十稅一不干船料有司自征

商稅其黃羽所販煤炭既係打釘造船

之物本司已經抽分訖桃源縣復以商

稅重征豈為恤民至意不惟下情受害

抑且船料無補仰縣即將該吏并地方

老人及巡攔人等呈馳解部以憑查審

究問今後商民販到應于造船物料在

彼發賣者查係本司已經抽分不必重

復稅擾違者

併提電

委官徵收料銀

工部主事朱家相議照各衛所軍辦料銀係漕船軍三額料之需必徵解之如期斯償造之有濟查得南京水軍左等衛料銀近年動支南京戶兵二部鹽引紙價柴薪銀兩鳳陽留守中等衛料銀遞年扣除各軍月糧俱類解漕運衙門發淮安府寄庫聽候各廠造船領用無庸別議其直隸淮安大河揚州通州及衛河山東濟寧臨清東昌等各衛所軍辦料銀往年多係掌印官徑自委官徵收或潛通賄賂或私厚親舊往往不得其人加收火耗任意花費中間亦有通同侵欺情弊遠限一二年不行完解間有解到者不及額數三分之一或假稱

災傷捏作拖欠奸弊百出漫無稽考各  
廠官造船缺銀買料恐悞裝運只得揭  
取舖客貨物以救燃眉之急後因負欠  
日久債主逼勒展轉出息傾產蕩業十  
分虧累若不慎選委官嚴限徵解恐將  
來之弊未有不慎極本職博采僉謀少  
愚見除行各廠官嚴密唐欽等將該衛  
所平素廉幹指揮千百戶各舉保一員  
仍取具不扶其結到職又經咨訪各廠  
旗甲相同擬合具呈如蒙賜允將舉保  
後開官員劄委不妨原務專收該衛所  
嘉靖二十二年并以後年分軍辦料銀  
仍通行各衛所掌印官俱比照鳳陽留  
守中等衛事例先將辦料軍餘月糧照  
數扣留如有不敷照數追補其缺欠月  
糧衛所無從扣留者仍於辦料各軍名

下照數追徵限春秋二季徵完備赴漕  
運衙門發淮安府收貯如遇各衛所該  
造糧船到廠依期支領買料應用其嘉  
靖二十一年以前各衛所拖欠軍辦并  
減存各料銀就令今次委官公同歷年  
收料官并收料底簿將欠料軍餘逐一  
拘審果係拖欠嚴限追完如有侵欺情  
弊從實招案漕運衙門發問如律每當  
該衛所審編均徭之年仍令審戶官揀  
選殷實軍餘應克辦料軍役不許別項  
差遣如有逃亡貧乏者即行補換文書  
到日限三箇月以裏收料官先將辦料  
軍餘姓名造冊差人齎送漕運衙門備  
照仍置立循環簿二扇每年春秋二季  
終備開收過料銀若干拖欠若干差人  
赴漕運衙門倒換查比每年終將徵解



過并拖欠各數目造冊繳報承委官務  
要秉公盡職恪守漕規如有別項差委  
亦要申稟漕運衙門另行委官更換今  
後徵解料銀違限一季以上者查照近  
年戶部議單題

注事例

掌印官住俸收料委官革去冠帶首領  
官提解漕運衙門問罪違限一年以上

者掌印收料并首領各官一體參

奏提

調軍職發回原衛帶俸差操首領官降

級送吏部別用如有地方災傷徵料難

完者亦查照議單事理聽將在庫別項

官銀借等候徵完補還其委官如有欺

公玩法侵漁作弊者或體訪得出或被

人告發依律從重參究如此庶委用專

而上有責成徵解嚴而下知法守漕船

之贖造有濟而糧儲之裝運亦有賴矣

爲此今將各廠官舉保過各衛所收料  
官姓名開坐并歷年拖欠料銀數目開  
具方冊理合具呈伏乞照詳施行蒙劄  
付內開會議看得所呈區畫精詳足見  
留心船料革除宿弊  
之意合依擬通行

### 申明料銀職掌

工部主事朱家相查得各衛所軍辦減  
存料銀俱係原議造船軍三小料先年  
俱解赴漕運衙門轉發淮安府稱收寄  
庫待各廠官臨期造船支領應用近年  
因各衛所料銀徵解遠期各廠官缺銀  
買料恐候興造或揭取舖客物料或暫  
借府庫官銀候徵解料銀至日償還後  
緣因循年久料銀拖欠動以萬計各廠

官負累已極具呈本部前任官處徃往  
 行文分投催徵各衛所官吏不查舊規  
 多有將徵完軍辦減存料銀徑解本司  
 稱驗轉呈漕運衙門驗發淮安府寄庫  
 行之既久遂成故事不惟嫌疑易涉且  
 於職掌有違本職到任以來夙夜冰兢  
 惟恐萬一粘帶不無有累名節近據邳  
 州武平宿州等衛解到料銀已經發回  
 該衛行令改寫批文徑解本院及行  
 中都直隸山東等處各衛所一體遵依外但  
 恐因襲年久難以頓變呈乞嚴行各衛  
 所官吏今後徵完前項料銀差委的當  
 人員徑解本院發府稱收貯庫候臨期  
 造船另行呈支如此庶職掌不至於下  
 移而出納有稽料銀兼得以日  
 完而贖造有濟矣蒙准依擬行

# 招商收買木料

工部主事朱家相照得本部督造運船  
合用楠木先年俱係商人預領官銀前  
去儀真等處收買往往乘機作弊買來  
之木多細小空朽不堪成造兼以過期  
不到致使官旗久候遲誤造作有妨糧  
運近日本職拘提各商聶經黃良等將  
領過新舊官銀查算發縣監追外其見  
年缺木糧船尚有二百餘隻并下年額  
造船七百餘隻若不招商收買不無臨  
期悞事為此出給告示發去儀真蕪湖  
并天寧洲地方張掛曉諭外江山客如  
有販到楠木不拘多寡儘數拽運抵淮  
赴本職告報照依定價銀每船壹隻  
給木價銀六十兩並不短少分釐駛進

時日自告示到日爲始如有已到山客  
將木隱匿江港處所不行告報意置擗  
價私賣者許彼處牙脚人等赴部首告  
以憑拏問知情通同縱容者一體治罪  
不貸

### 給號票以便商民

工部主事朱家相查得抽分一節奸弊  
多端本職到任以來逐一查訪已經痛  
行禁革今據某處商人某人販到某貨  
見粵某處投報到部除監督稅司官吏  
照例三十稅一外爲此出給號票仰本  
商收執將報過物料聽往某處變賣如  
有漏報及將舊票影射新貨者查出定  
行一半沒官自取罪戾仍仰關霸巡攔

準脚人等驗實放行毋得攔阻需索所  
在官司亦不許妄行重復稅擾違者許  
本商赴部稟告  
以憑提究施行

### 叅呈貪縱運官

工部主事朱家相據南京水軍右衛管  
轍百戶李慶蘭呈稱云等因據呈到職  
隨於主事葉卷內逐查指揮周大綸  
供招罪犯及原追收貯轎船俱各是  
爲照本年各衛改造糧船委因連歲  
取楠木數多木價騰貴本職將已到之  
大工採木酌量搏節先儘見運者派給價造減  
存者暫令守候其水軍右衛轍官李慶  
蘭該造船隻已經給料兼工造完責令  
旗甲李森等九名領駕去訖查得漕規

凡旗軍造船定限四十日完工違限者  
照例問罪先期完者量行犒賞及查廠  
官李夢蘭造完船一十一隻俱係二十  
餘日完工頗有微勞雖糧已到壩李森  
等不能依期允運皆係各甲領船在途  
遷延之故似與廠官無干况該衛原派  
李森等船糧俱照舊例分派本幫各船  
帶運過淮亦於運事未悞再照各衛廠  
官俱係本院屬官縱有罪犯運糧官只  
合呈稟查究並不擅行凌虐所以遵  
體統而存紀綱也指揮周大綸往年索  
財打官肆無忌憚見係有罪提問人員  
不思歛戢却乃挾讎妄行呈擾顯是長  
惡不悛假此以遮飭前罪若不嚴加究  
治何以警戒將來參照運糧指揮周大  
綸職司允運心切貪殘因求索而擅責

廠官蔑視漕規役軍伴而慳乘大轎故  
違

國法不能悔罪以省躬仍敢挾讎而反噬罪  
狀既著情法難容如蒙准呈乞將指揮  
周大綸發理刑司嚴加究治庶貪縱知  
警而上下相安矣蒙准行理刑司拘問

### 議處造船木料

工部主事朱家相照得本廠督造各總  
運船合用楠木數多先年本廠給銀批  
差商人前去儀真等處地方收買比因  
山客狡猾將出山之木選揀長大堅實  
者撐泊江港處所擡價私賣止將遺下  
細小空朽之木與差去商人成交坐索  
高價捐勒多端其差去商人往往乘機  
爲奸以致買來木植多不堪用有妨成



造本職除將前弊痛行禁革外今查得  
嘉靖二十二年分尚有減存缺木船二  
百六十八隻并下年額造船七百餘隻  
本職已經出給告示發去儀真蕪湖等  
處地方張掛曉諭山客將販到楠木儘  
數拽運抵淮依憑牙人兩平交易每船  
一隻遵照本院議定木價銀六十兩隨  
即給與豈料山客明知漕船缺木故意  
刁難將販到木植見今佳泊蕪湖南京  
等處意在仍前揀選私賣若不預爲區  
處臨期必悞償造致妨漕運重計關係  
匪輕如蒙准呈合無移咨南京工部都  
察院筭行監督抽分御史及蕪湖抽分  
工部委官將在彼沿江寄泊楠木已經  
抽分者除南京打造馬快船合用木料  
聽令成買外其餘剩楠木不拘多寡差

官查照本商報抽數自逐一將牌筏封  
識嚴禁彼處牙人不許串同私賣仍差  
人督催晷夜赴淮照前議定木價兩平  
交易倘山客懷疑不願赴淮者聽其灣  
泊儀真縣地方與本職差去廠官公同  
彼處牙人亦照前定木價交易並不耽  
延時日虧少價值如山客仍前抗違稽  
延者許本職申呈本院提究施行庶木  
料不致缺乏漕船得以完  
造矣蒙准咨行部院訖

### 分處不敷木價

工部主事朱家相查得先年衛河提舉  
司每歲額造淺船七十七隻三分每隻  
原議木價銀五十兩遮洋船五十五隻  
一分每隻原議木價銀六十一兩三錢

准將該

三分三釐三毫每遇改造之年各衛所  
委官一員帶領各該旗甲給領官銀前  
去儀真等處自行買料成造雖有臨清  
本部主事監督但地方寫遠難以遙制  
差去官旗往往乘機作弊以致錢糧虛  
費船隻不堅至嘉靖三年蒙本部題  
司船隻併入清江提舉司團造其船與  
清江船式樣相同除遵依通年差官前  
去杭州抽分廠領取該司原議木價銀  
一千二百兩并蕪湖抽分廠原議木價  
銀四千二百三十兩并各府解到人匠  
銀兩僅足成造該年船隻應用至嘉靖  
十四年以來川湖等處採木日多楠雜  
木價騰貴商人累告虧折蒙漕運衙  
門將該司船價比照清江事體淺船每  
隻加增木價銀四兩五錢共銀五十四

兩五錢遮洋船每隻加增木價銀四兩  
共銀六十五兩三錢三分三釐三毫至  
嘉靖十八年又將山東總淺船每隻加  
增木價銀二兩共銀五十六兩五錢每  
年共該造船一百三十二隻四分該木  
價銀七千九百六十七兩三錢一分四  
釐八毫叁絲除支前項額該木價銀五  
千四百三十兩外尚欠銀二千五百三  
十七兩三錢一分四釐八毫三絲及查  
人匠銀兩近年各府州縣清匠官不行  
清查匠役互相影射解到者十無一二  
各衛額造糧船到廠缺銀支給本司前  
任官恐悞裝運只得暫將清江提舉司  
歷年支剩木價銀兩借給衛河提舉司  
官軍買料應用相沿到今除嘉靖二十  
二年分該造船隻尚未到齊不開外嘉

靖二十一年止扣筭實借用過清江銀一萬七百五十九兩九錢九分八釐二毫具載卷冊可查一向未及呈請若不及今分處但清江庫藏之積有限衛河改造之船無窮年復一年漸難支持如蒙准呈合無將衛河提舉司借用過清江前項銀兩准將何項官銀照數補還惟復憫念即今公私俱困免令補還准將借用過前項銀兩作正支銷造冊繳部查考仍乞將蕪杭二廠原議衛河總各衛糧船木價每年於五千四百三十兩之外加增銀二千五百餘兩本司依期差官領取與清江船隻一例成造再乞行山東濟南兗州青州東昌等府并河南開封彰德懷慶及直隸廬鳳揚州等府滁徐等州將該司住坐人匠每年

應辦匠銀依期解報如各處掌印清匠  
官仍前不行用心清理以致匠役影射  
拖欠班次者許本職將各官指名叅呈  
本部重加叅究施行如此庶木料不致  
缺乏漕船得以完造矣爲此今將衛河  
提舉司節年造船支用過該司并借用  
過清江提舉司木價銀兩造完山東遮  
洋等總運船已未償還銀數并各年分  
衛所旗甲姓名備造文冊一  
本理合具呈伏乞照詳施行

## 查催未銷官銀

工部主事朱家相查得接管交代冊內  
嘉靖三年直隸淮安府因賑濟貧民并  
海州等處兌糧脚價等項共借用本銀  
原扣寄府庫官銀除已解還外尚欠銀

四千三百二十二兩三錢九分九釐九毫五忽并嘉靖四年本廠奉漕運衙門明文補造江北南京上江下江遮洋各總事故缺船借用本廠木價等項官銀二千七百三十兩九錢五分節經本廠前官通行催取俱未解還卷冊存照本職到任以來備查前項銀兩俱係造船木價即今缺銀買木事在燃眉兼之年遠該府該總官遷代不常誠恐卷冊埋沒難于查考而錢糧借貸相應銷還如蒙准呈乞行淮安府將前借用過銀兩或於無礙官銀內處還或行海州等處照數追補再乞嚴行江北把總田世威將原借用銀七百四十四兩南京把總方勇將原借用銀三百六十六兩上江把總崔汝成將原借用銀三百六十六兩下

江把總姚如將原借用銀一百九十三兩八錢遮洋把總韓中立將原借用銀一千一百二十一兩一錢五分各於在運應動減存斗米無礙官銀內照數處完通行解赴本職查銷前項借用銀兩以濟造船應用庶官銀不致拖欠簿冊得以杜絕矣蒙准行查催訖

### 查催底船赴廠

工部主事朱家相卷查本廠每年額造南京鳳陽直隸山東遮洋等總各衛所糧船先年俱於八月終旬各軍撐駕底船赴廠以便依期改造近年各衛旗軍專以缺木藉口故意在途遷延或至年終及過年二三月方纔赴廠以致成造



不前有悞裝運今查得嘉靖二十三年分額造糧船共七百餘隻合用楠木本職已經差委廠官千百戶張璽陳恕等給領木價官銀前往蕪湖南京儀真等處買完楠木八千餘株陸續拽運赴淮即今九月將終尚無一船到廠若不具呈行催誠恐各衛掌印運糧等官沿襲年久不以造船爲重縱令旗軍仍前延緩不無臨期遲悞未便如蒙准呈合無嚴行各該運糧把總轉行所屬各衛所掌印運糧等官將嘉靖二十三年分該造糧船責限俱在二十二年十一月以裏赴廠以便派料催督成造如此庶旗軍之領駕不致愆期糧儲之兌運鮮有悞事矣蒙准行

各總查催訖

# 查催造船料銀

工部主事朱家相案查各總衛所軍辦料銀係漕船原議軍三額料之需先年因收料官不得其人徵解違期奸獎百出各廠委官造船缺銀應用往往揭借舖客料物展轉加利無從償還本職已經行令各衛管廠官千百戶嚴密唐欽等從公保舉各衛所平素廉幹指揮千百戶各一員於嘉靖二十二年二月內坐名具呈本院劄委各官不妨原務專收該衛嘉靖二十二年并以後年分軍辦料銀每年春秋二季徵完解報其嘉靖二十一年以前拖欠軍辦并減存料銀就令各委官公同歷年收料官逐一查審追徵中間如有侵欺情弊從實參

呈查照近年議單內題

准速船

奏提

料以免悞運事例參

問施行已蒙劄行各衛委官徵解去後

但各該委官勤能守法者固多違慢悞

事者不少近據各廠官呈稱止據滁州

衛收料指揮崔文漢儀真衛收料指揮

白思義六安衛收料指揮周熊歸德衛

收料指揮龔鄉徐州衛收料指揮費濂

大河衛收料千戶毛詩揚州衛收料百

戶劉欽潁川衛潁上所收料千戶阮恩

勤能濟事徵解如期無庸查催壽州衛

收料指揮戈揚臨清衛收料指揮馮時

雍廬州衛收料指揮褚時泗州衛收料

指揮丘陵武平衛收料百戶楊伯勤淮

安衛收料百戶趙祖勲雖徵解稍緩然

拖欠不多功過相當尚堪策勵外其直

隸徐州左衛收料鎮撫蔣弼高郵衛收料千戶曹銘邳州衛收料鎮撫王彥宿州衛收料指揮李良臣德州衛收料指揮苗子理天  
津衛天津左天津右衛收料指揮黃棟東昌衛平山衛收料千戶周鎮東平所收料千戶高永祿濟寧衛收料指揮江川任城衛收料指揮鍾繼祖濮州所收料千戶倪棟習於因循視爲故事該衛所料銀俱未解到致使該廠各官造船缺銀買料仍前借債即今債主填門急於星火負累已極及照各衛所料銀近年奉漕運事例多將辦料各軍月糧扣除類解雖有軍餘出辦者多係殷實之人豈容拖欠顯是收料官侵欺那借掌印官通同不行查催俱屬故違若不再

呈况今七月將半嘉靖二十四年分額  
造糧船例於十月內到廠合用釘灰油  
麻食米等項將何買辦臨期有悞備造  
致妨漕運重計責有攸歸如蒙准呈再  
乞劄行後開各衛所着落掌印官嚴督  
收料官蔣燭等公同該衛所先年收料  
委官將歷年拖欠料銀逐一查筭明白  
作速徵收限在本年九月內通行完解  
如有仍前違悞者先將收料官月俸住  
支仍解的親家屬一名赴本院發府監  
候比較照依前例叅問中間收料官如  
有侵欺等項情弊就令掌印官叅呈本  
院從重叅究如此庶官知警戒料銀得  
以早完船免稽遲糧運鮮有悞事矣為  
此令將各衛所違慢收料委官姓名并  
拖欠料銀數目開坐理合具呈伏乞照

詳施行蒙准行  
各衛所嚴催訖

# 改正歲辦木價銀兩

工部主事朱家相卷查清江衛河二提  
舉司原議每年額領直隸太平府蕪湖  
縣抽分木價共銀一萬八千七百七十  
兩自成化年間相沿到今俱是次年差  
官支取嘉靖十八年五月二十四日該  
署本司事戶部主事黃差百戶羅鑑  
齋關前赴南京工部員外郎潘處將  
嘉靖十七年木價銀兩照數取來造船  
支用無礙外至嘉靖十九年三月初十  
日本部前任主事葉差百戶羅鑑齋  
關前赴貴部主事鄭處領取嘉靖十  
八年分木價銀一萬八千七百七十兩

比時因抽分銀兩不足止領到銀八千兩及准貴部關稱十八年分料價已該本部員外郎潘照數給領去訖今本職解去銀八千兩係十九年之數比時主事葉當查嘉靖十七年分料價已經差官取到其十九年差官領取者原係十八年料價之數已經移關主事鄭處希查明改正及呈本部知會去後卷案存照其十八年找支并十九年二十年額銀俱係次年差官領取一向回關未及改正今嘉靖二十二年六月十三日本職差百戶倪震齋關前赴貴職支取嘉靖二十一年分木價銀一萬八千七百七十兩到職查得回關內仍開作二十二年分之數若不關明改正但錢糧重事恐年久混淆難于查考况本

司年終造冊報部并節年差官領銀文  
卷開載明白爲此合行移關責職煩查  
自嘉靖十八年五月內百戶羅鑑取到  
嘉靖十七年分料價爲止其十八年分  
木價銀兩曾係本司差委何官支領有  
何文移堪以憑信委因貴部主事鄭  
彼時關文內將領銀年分字樣差訛沿  
襲到今希逐查明白改正庶錢糧有出  
納之明卷冊無  
錯亂之患矣

### 裁革水夫以蘇民困

工部主事朱家相查得淮安府遞運所  
先年呈送水夫四名赴部常川撐駕座  
船每名每年該工食銀一十二兩四名  
共該銀四十八兩但本部公出日少各



役空閑坐費工食况該所路當衝要民甚凋疲良為可憫相應裁減以蘇民困為此牌仰淮安府經歷司抄呈本府着落當該官吏照牌事理即將發回水夫張秀李節轉發該所着役走遞其沈本賢戎鸞暫留看守座船候本部公出之日另行取用不惟本部無冗食之役而該所亦沾寬分之賜矣

### 條約附

前任諸君子條約歲遠無稽惟陳君堯葉君選僅存一二今皆參酌潤色於其中不復識別

工部都水司主事朱 為禁約事照得本

職猥以菲才謬承

明命前來淮安清江廠督造漕船兼管閘座事務顧責任之難勝每懷憂惕念奸弊之易長宜慎關防除將興革事宜虛心採訪次第舉行外所有一二條約合先給示爲此仰官吏軍民人等一體遵守毋得故違取究未便須至告示者

一本職自幼孤特雖有堂族叔伯兄弟數人俱在原籍耕讀爲業並無一人遊

蕩在外恐有無藉之徒探知本職鄉貫詐稱弟姪家人親識名色在於各該州縣鎮市處所需索驛遞酒食誑騙商民財物者仰官民人等即便拏解本部以憑問遣阿縱不舉者事發一體查究

一本職凡督造船隻收支料價及一切興革事務俱親自裁決吏書門皂人等不過謄寫文移充給使令一毫不得干預恐有指稱本部名色在外誑詐財物者許諸人即時稟拏定行從重問遣如有無知之徒妄行賄囑打點者事發一體重

治

一本職凡與屬官相臨禮雖不失分則甚嚴各官俱宜實心相與凡朔望次日

照依舊規赴部作揖凡有公務當關白者不拘日時入見此外各宜在厥辦事不許私謁如有巧言過禮以畱親幸及餽送禮物投遞簡書以致私歛者定行

斥責

紀過

一訪得在部老人吏書門皂軍餘水手人等中間半係頂名雇役奸弊難保必無欲盡行退換勢固難行若不查革法難爾貸除將老人錢鎮盧正皂隸張榮水手楊恩陸秀等先行革退外仰各役情愿告退者聽其餘各宜改過自新保全身家自有無窮利益倘有仍前生事害人者事發定行照例問遣

一本職職掌止是漕船關座抽分三事中間倘有官旗作弊商民匿稅管關官

吏守壩老人巡攔及軍餘水手人等索財害人者許諸人其實稟告以憑究治其餘一應民詞自有各該衙門受理不許妄行告擾敢有將戶婚田土鬪毆私債等情牽扯漕關事務在內者定行重治原詞仍不准理

一淮安等處凡竹木鐵炭等項牙行先年俱赴本部告給牌面方許應克徃往互相競利乘機爲奸除查革外自本職到任並不添設一名恐生物議仰各牙各宜遵守法度毋得作弊取究今後如有請托求給牌面者決不准行仍重治不恕

一訪得在部把門皂隸聽事軍餘水手巡風總小甲人等凡遇各廠旗甲校遞

到帳商民告報抽分往往需索酒食財  
物名爲常例實損部規今後各宜痛改  
如有仍前作弊者或訪出  
或告發定行從重問遣

一本職凡差委屬官管總巡捕及辦理  
一應公務必量本官才力足以幹濟方  
行委用並無徇私偏聽各官俱宜體諒  
毋得夤緣希圖公委自取罪譴其承委  
官果著勤勞本職自有旌別如怠緩  
悞事及乘機作弊者定行戒治黜退  
一運糧官旗凡糧船經過清江等關漕  
規先期赴本部投遞船糧數目土宜文  
冊今後許不拘時候隨到隨放雖本職  
退食款客亦要傳稟決不耽延時刻如  
有闡夫人等求索留難把門人役遲悞  
傳稟者許官旗擊鼓稟告以憑查究

一各總運官多有指稱饋送橫肆科歛  
雖旗甲明受其害而本職暗受其誣相  
應禁革今後凡過淮入見先具不致科  
歛重甘結狀投遞以憑粘卷備照倘有  
仍前科害者許旗甲  
從實稟告定行參究  
一本職凡差聽事人役執牌置買日用  
菜肉等物俱用本職俸貲白銀照依時  
估兩平交易並不虧損賒欠如有指稱  
本部名色在外誣賒商民貨物及用假  
銀低錢用強措買坑虧資本者許被  
害之人從實跪門稟告以憑重治

工部都水司主事朱 為禁革抽分奸弊

事照得本部督造漕船抽分一節專為船

報抽即令寫單不役將姓名貫址貨物  
稅銀各數目填註號簿格眼內與本部  
號票登記相同開立前件候納稅畢即  
將號票挨次掛號格眼前件之下用本  
職關防鈴蓋以備查考每日收過稅銀  
若干監收官親手封識當時下櫃貯庫  
每半月一次仍公同監收官吏當堂查  
算號簿收過銀數并將原封驗明方行  
拆封稱允完日發淮安府收貯按季報  
本部知會年終仍造總冊齎報查考庶  
上下之覺察甚嚴而

稅課之稽考有據矣

一本部稅法惟從寬便除客貨值銀一  
兩五錢以下抽納不及五分者免抽外  
凡商人納稅只用公平法馬就令本商  
親手稱允提舉稅司官吏不遇在傍袖



手驗視而已其折筭丈尺畸零并秤頭  
火耗及保頭歇家銀匠分例諸弊悉行  
痛革商民人等各宜照依時估遵守則  
例從實報抽今後敢有走水漏稅者事  
發貨物一半沒官自取罪戾悔將何及  
其船戶埠牙人等通同作弊不行首告  
者查出

體治罪

一訪得各關壩官吏老人巡攔總小甲  
埠牙脚夫人等往往串同商販潛通賄  
賂縱容走水漏稅及措稱對單驗貨詐  
騙多端深為可惡除已往不究外今後  
凡遇竹木油麻鐵炭柴蓆等項貨物過  
壩老人巡攔人等先驗本商報抽單票  
與過壩貨物數目相同方許放行倘遇  
未領號票及報稅不盡者許將本商并

船戶即時鎖拏付巡攔關夫管解本部  
以憑究治查沒施行如各役不行用心  
查驗以致商人俸免及受財賣放等弊  
本部不時差人密訪得出定行從重問  
遣決不  
輕貸

一立法貴嚴行賞貴信凡新莊清江等  
關南鎖方信等壩相近軍民人等如有  
商民走水漏稅及官老巡攔人等受財  
作弊者許諸人緝訪得實密切赴部訐  
告以憑查沒究治就將所沒貨物三分  
之一給告者充賞亦不許挾讐妄首并  
將已抽貨物一槩混告及  
因而詐財者訪出重治  
一訪得在部寫單人役多有指以增減  
稅銀為由騙取商民財物及攬越次序

爭取工價奸弊滋甚除查革外今後俱  
要遵照本職分定班次每日輪派六名  
自辰時入部俱在二門前領單分寫其  
工價亦照見定則例不許多取如有仍  
前詐騙作弊及因而多索工銀者許商  
民同巡視之人即時口稟定行重治革  
役不

恕

一議單內糧船每隻許帶土宜二十石  
以為在途易換鹽柴之用照例免抽外  
其間殷實旗甲及白糧船糧長有仍帶  
竹木枋板鐵炭等貨舊規俱赴部報抽  
方許變賣近訪得各總旗甲人等在運  
艱苦備嘗貧困已極相應寬恤今後各  
船自土宜正數之外凡裝帶應抽竹木  
等貨覓取微利者一併免稅如有附搭

客商夾帶私貨者查出定  
行照例沒官仍治以罪

工部都水司主事朱 爲禁革造船奸弊  
以新漕政事照得各廠改造漕船舊有成  
規比因奸弊日滋良法寔廢錢糧侵費而  
漫無稽查船隻脆薄而不堪駕運本職蒞  
任以來仰思

國計之重願報涓埃博采輿論之同頗悉利  
弊今將禁革條約開具于後曉諭官旗商

牙匠役人等一體遵守痛懲既往之愆共  
覩更新之政庶漕船之改造得濟實用而  
本部之職業亦少盡萬分之一矣如仍前  
作弊玩法定行從重究治不貸須至告示  
者

一定船式

凡清江衛河等總漕船每隻  
費百金之貲每造供十年之

用况經由洪閘涉歷江海關係甚重若  
非成造堅完何以領駕經久各廠官旗  
匠役人等今後務要遵照漕規原定遮  
洋淺船各式底棧板片俱用堅緻楠木

首尾內外結構齊密其釘灰油麻等料亦要查照原定斤數稱給旗甲收領臨期公同廠官匠役應用船稍仍大書深刻某衛傍刻軍民運某字號廠官某人木匠某人并旗甲某人某年分領造俱要彩畫油飾停當固不許尅減釘板以利私囊亦不許多加梁頭以便私載本部不時按臨查驗如有板薄釘稀麻朽油雜造不合式艖不如法者官旗問以侵盜罪名匠役痛治革役

一嚴船號

凡各衛所旗甲領造漕船分別軍民運等字號具載本部

格眼冊內不及十年者不准收造此漕規也近訪得廠官有等貪利之徒往往出格預造以致船號混淆錢糧不敷深爲未便今後各廠凡遇該衛所帖到船

隻即查字號與格眼冊年分相同方許  
帶領旗甲赴部投遞到狀及相折呈文  
以憑委官查覆委無違礙方准領料改  
造如船已損壞而字號尚不及年者暫  
准拆卸釘板寄廠旗甲告  
回本衛待及年赴廠改造

### 一比船限

凡各廠造船舊有漕規酌定  
期限最為寬裕近日官旗匠

役任意遷延致悞工程本部決不差人  
催工恐生騷擾官旗人等各宜體悉凡  
領有本部造船號票給有木料俱限十  
五日內排底興工二十五日內報完印  
烙先期完日量加犒賞  
違限者責治又則參究

### 一查底船

各廠官凡遇旗甲駕送底船  
到廠相拆卸釘板十分完全者

足穀新船粧脩之用計筭價銀二十兩  
即時派領新料成造如釘板分數不及  
者即令該甲買補完足方許收造其有  
遭風守凍損壞及失火漂流無存等項  
事故船隻須驗原於所在官司告有印  
信文憑方准行衛告給幫貼銀兩如有  
奸猾旗甲乘機將底船盜賣肥已止將  
餘剩釘板赴廠却假稱事故名色遮飾  
情罪者許該廠官指實  
呈部以憑追問如律

### 一處木料

每漕船一隻合用新料楠木  
園圓計該三丈三尺各長三

丈三尺內有尖扁空朽照數筭補舊議  
木價銀五十六兩五錢近年因商人屢  
告虧折已經漕運衙門會議量復價銀  
二兩五錢共計價銀六十兩况本部給



領木價並不短少分釐耽延時日所以  
 恤其困者至矣今後商人牙脚人等凡  
 遇圖量木料估看加補俱要遵照原定  
 丈尺則例公同廠官發廠造船應用如  
 有商人勒減木料牙脚受財作弊者定  
 行重治革退各廠官亦毋得用強多取  
 加補利已虧商  
 違者一併究治

### 一 選匠役

每年清江衛河各廠改造造糧  
 船約有七百餘隻合用匠役

數多因年久不行清查多有頂名雇役  
 老幼不堪之人一槩派造以致造作不  
 堅奸弊百出本部訪知前弊逐一查選  
 除將年力少壯技藝精通者取具各匠  
 連名保結在部已經收造冊籍給付票  
 帖外今後各匠凡遇派造船隻務要多

雇幫作查照船式攢造其工食銀兩亦  
照原定則例不許多取凡鋸船等匠各  
要一體遵守如有酗酒撒潑教唆旗甲  
及妄費釘板油麻索取外貼工食者事  
發重治革役如廠官刁難匠役尅減  
工銀者許本匠赴部稟告以憑追究

一禁刁潑

訪得各衛所有等奸刁旗甲

或聽人唆使往往刁蹇廠官揚言告許  
詐取財物離廠官之弊難保必無而刁  
詐之風豈容日長今後各廠倘有侵尅  
物料凌雲旗甲等弊許該甲即時赴部  
稟告以憑依律究問如旗甲故違

禁約仍前刁詐者定行枷號重治

一弭火盜

訪得各廠造船旗甲往往通

盜買盜賣及寅夜三五成群縱酒宿娼  
不惟耗損財物抑恐易生火盜本部除  
嚴行各總巡捕廠官總小甲人等給有  
巡風牌面日夜常川巡視外今後如遇  
前項奸弊即時鎖拏送部以憑  
追問縱容不舉事發一體治罪

漕船志卷之七終